



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-399-4/24**
Datum: **21.10.2024. godine**

„Agencija za vodno područje rijeke Save“ Sarajevo rješavajući po zahtjevu investitora „Visočica“ d.o.o. Sarajevo, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme za tov pilića sa pratećim objektima, izgrađene u naselju Tarčin, općina Hadžići, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Investitoru „Visočica“ d.o.o. Sarajevo, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u naselju Tarčin, općina Hadžići, kapaciteta 29000 pilića, na zemljištu označenom kao k.č. broj: 1009/2, 1009/3 i 1004/1 K.O. Duranovići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik „Visočica“ d.o.o. Sarajevo izgrađeni poslovni objekat za uzgoj pilića sa pratećim objektima, održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.2. Da se zbrinjavanje otpadne vode od pranja objekta i opreme za tov pilića vrši u izgrađenoj vodonepropusnoj sabirnoj jamu bez preliva.
 - 3.3. Čišćenje sabirne jame i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.4. Da se spriječi nekontrolisano rasipanje tečnog i krutog otpada po okolnom zemljištu, te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.5. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.7. Otpad koji nastaje u postupku rada farme za uzgoj pilića, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.8. Da se privremeno i konačno zbrinjavanje otpada uginulih pilića i drugih nusprodukata koji nastaju u postupku rada farme za uzgoj pilića, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.

- 3.9. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
- 3.10. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godine od dana pravosnažnosti ovog rješenja.
9. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
10. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Investitor „Visočica“ d.o.o. Sarajevo, zahtjevom bez broja zaprimljenim 07.08.2024. godine obratio se ovoj Agenciji, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj pilića, izgrađene u naselju Tarčin, općina Hadžići, kapaciteta 29000 pilića, na zemljištu označenom kao k.č. broj: 11009/2, 1009/3 i 1004/1 K.O. Duranovići.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka broj: 065-0-Reg-21-005075 od 31.01.2022 godine izdato od strane Općinski sud u Sarajevu-ovjerena kopija,
- Ovjerena kopija Uvjerenja o poreznoj registraciji izdatog dana 26.11.2002. godine od strane Porezne uprave Federacije BiH-Kantonalni porezni ured Sarajevo,
- Rješenje o odobrenju za građenje broj: 08-23-3-5502/2005 od 08.12.2005 godine izdato od strane Službe za prostorno uređenje, urbanizam i građenje, Općina Hadžići, -kopija,
- Rješenje o odobrenju za građenje broj: 07-23-3-1700/2018 od 13.06.2018 godine izdato od strane Službe za prostorno uređenje, urbanizam i građenje, Općina Hadžići, -kopija,
- Rješenje o vodnoj dozvoli broj UP-I/25-3-40-604-3/18 od 27.12.2018 godine izdato od strane Agencije za vodno područje rijeke Save, Sarajevo.

B. Tehnička dokumentacija

- Glavni projekat prikupljanja, odvodnje i zbrinjavanja otpadnih voda i dopuna projekta tehničkim rješenjima potrebnim za pribavljanje vodne dozvole na lokaciji farme za tov pilića investitora

„Visočica“ d.o.o. Ilidža u naselju Tarčin, općina Hadžići urađen od strane „ES HYDROTECHNICS“ d.o.o. Sarajevo, maj 2019. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-399-3/24 od 15.10.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Farma za tov pilića, kapaciteta 29000 komada tovnih pilića, sa pratećim sadržajima (manipulativni prostor, uređaj za prečišćavanje otpadnih voda i sl.), izgrađena je u naselju Tarčin, općina Hadžići, na zemljištu označenom kao k.č. broj: 1009/2, 1009/3 i 1004/1 K.O. Duranovići.

Investitor „Visočica“ d.o.o. Sarajevo je posjedovao Rješenje o vodnoj dozvoli broj: UP-I/25-3-40-604-3/18 od 27.12.2018 godine izdato od ove Agencije.

Prilikom uviđaja utvrđeno je da u tehničko-tehnološkom smislu, obimu i uslovima snabdijevanja, u predmetnom poslovnom objektu, pravnog lica nije došlo do promjena od izdavanja navedenog Rješenja o vodnoj dozvoli.

Obaveze iz tačke 3.2., 3.3. i 3.4. navedenog Rješenja o vodnoj dozvoli su završene a to su:

- Trajno blindiranje otvora u zidovima izgrađene lagune/đubrišne jame na način da se onemogućiti isticanje procjednih voda,
- Razdvajanje tehnoloških otpadnih voda i krutog otpada u izgrađenoj laguni/đubrišnoj jami a u skladu sa projektnom dokumentacijom,
- Završena izgradnja vodonepropusne lagune/đubrišne jame (odgovarajućeg kapaciteta) za privremeno odlaganje prostirke i đubriva a prije aplikacije na poljoprivredne površine na način da se onemogućilo isticanje procjednih voda i uticaj oborinskih voda.

Kapacitet farme je 29000 tovnih pilića po turnusu.

Tehnološke otpadne vode od čišćenja i pranja podnih površina i opreme nakon svakog turnusa se odvođe u osočnu jamu u sklopu lagune/đubrišne jame.

Kruti otpad (đubrivo) iz objekata farme se privremeno skladišti u đubrišnu jamu te nakon procesa zrenja odvozi od strane Zemljoradničke zadruge „Tarčin“ Tarčin, općina Hadžići i koristi u poljoprivredne svrhe.

Na predmetnoj lokaciji se ne vrši klanje pilića

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva, „Visočica“ d.o.o. Sarajevo, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta voda kao posljedica rada poslovnog objekta –farme za uzgoj pilića u Tarčinu, općina Hadžići, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „Visočica“ d.o.o. Sarajevo, Neumska 15, Ilidža, Sarajevo, (Prilog: Tehnička dokumentacija navedena pod tačkom B obrazloženja Rješenja)
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna tabla AVP-Sava Sarajevo